



UNIVERZITET U SARAJEVU
FARMACEUTSKI FAKULTET

Zmaja od Bosne 8
71000 Sarajevo

+387 33 586 180
ffsa.unsa.ba
farmaceutski.fakultet@ffsa.unsa.ba

Broj: 0101-5863/24

Datum: 14.11.2024.

**POSLOVNIK O RADU KOMISIJE ZA PRIPREMANJE
PRIJEDLOGA ZA IZBOR SARADNIKA NA UNIVERZITETU U
SARAJEVU – FARMACEUTSKOM FAKULTETU**

Sarajevo, novembar 2024 godine



Na osnovu člana 123. stav (8) Zakona o visokom obrazovanju ("Službene novine Kantona Sarajevo" broj 36/22) i člana 256. stav 1. Statuta Univerziteta u Sarajevu, a po osnovu Konkursa/natječaja za izbor saradnika/ice u zvanje asistent/ica, na nastavnim predmetima "Kontrola lijekova I" i "Kontrola lijekova II" na Univerzitetu u Sarajevu – Farmaceutskom fakultetu, 1 izvršilac sa punim radnim vremenom, raspisanog 14.10.2024. godine i Odluke Vijeća Fakulteta o imenovanju komisije za pripremanje prijedloga za izbor saradnika/ice u zvanje asistenta/ice, na nastavnim predmetima "Kontrola lijekova I" i "Kontrola lijekova II" na Univerzitetu u Sarajevu – Farmaceutskom fakultetu, 1 izvršilac sa punim radnim vremenom, br. 0101-5627/24 od 05.11.2024. godine. Komisija na konstituirajućoj sjednici održanoj 14.11.2024. godine donosi

POSLOVNIK O RADU

Komisije za izbor saradnika/ice u zvanje asistent/ica na nastavnim predmetima "Kontrola lijekova I" i "Kontrola lijekova II" na Univerzitetu u Sarajevu – Farmaceutskom fakultetu, 1 izvršilac sa punim radnim vremenom

I - OPĆE ODREDBE

Član 1. (Predmet Poslovnika)

Ovim Poslovníkom se bliže uređuju nadležnosti, način rada kao i druga pitanja od značaja za rad Komisije za provođenje Konkursa/natječaja za izbor saradnika/ice u zvanje asistent/ica na nastavnim predmetima "Kontrola lijekova I" i "Kontrola lijekova II", na Univerzitetu u Sarajevu - Farmaceutskom fakultetu, 1 izvršilac, sa punim radnim vremenom; na izborni period u skladu sa Zakonom o visokom obrazovanju (osnov: upražnjeno radno mjesto zbog prestanka radnog odnosa) (u daljem tekstu: Komisija).

Član 2. (Načela)

Rad Komisije se zasniva na načelima nezavisnosti, nepristrasnosti, javnosti i zakonitosti.



Član 3. (Propisi)

Komisija provodi proceduru izbora u akademska zvanja u skladu sa Zakonom o visokom obrazovanju Kantona Sarajevo (Službene novine Kantona Sarajevo, broj: 36/22), Statutom Univerziteta u Sarajevu (01-14-35-1/23 od 26.07.2023. godine), Konkursom/natječajem za izbor saradnika/ce u zvanje asistent/ica na Univerzitetu u Sarajevu - Farmaceutskom fakultetu raspisanom 14.10.2024. godine i Odlukom Vijeća o imenovanju Komisije za pripremanje prijedloga za izbor saradnika/ice u zvanje asistent/ica na nastavnim predmetima "Kontrola lijekova I" i "Kontrola lijekova II", na Univerzitetu u Sarajevu - Farmaceutskom fakultetu, 1 izvršilac, sa punim radnim vremenom; br. 0101-5627/24 od 05.11.2024. godine.

II - NADLEŽNOSTI I NAČIN RADA KOMISIJE

Član 4. (Uloga Sekretara Fakulteta)

Nakon usvajanja Odluke o imenovanju članova Komisije za pripremanje prijedloga za izbor saradnika/ice u zvanje asistent/ica na nastavnim predmetima "Kontrola lijekova I" i "Kontrola lijekova II", na Univerzitetu u Sarajevu - Farmaceutskom fakultetu, 1 izvršilac, sa punim radnim vremenom održanoj 05.11.2024. godine, sekretar Fakulteta predsjedniku/ci Komisije dostavlja Potvrdu o blagovremenosti pristiglih prijava na Konkurs/natječaj zajedno sa kompletnom konkursnom dokumentacijom.

Član 5. (Uloga Stručne službe/sekretar fakulteta)

- (1) Stručna služba/sekretar fakulteta prisustvuje konstituirajućoj sjednici Komisije, na kojoj Komisija usvaja Poslovnik o radu koji uređuje način rada i odlučivanja u skladu sa obavezama iz člana 256. Statuta Univerziteta u Sarajevu.
- (2) Stručna služba/sekretar fakulteta prisustvuje sjednici na kojoj se otvaraju pristigle prijave, te konstatira njihovu potpunost (urednost) u skladu sa konkursom/natječajem, o čemu izdaje odgovarajuću potvrdu koja čini sastavni dio izvještaja Komisije.



Član 6. (Nadležnosti Komisije)

(1) Komisija iz člana 1. ovog Poslovnika, obavezna je da po primitku pristiglih prijava i dokumentacije:

- a) pregleda sve pristigle prijave i dostavljene dokaze,
- b) utvrdi ispravnost pristiglih prijava i dostavljenih dokaza.

(2) Komisija iz člana 1. ovog Poslovnika, obavezna je Izvještaj sa prijedlogom za izbor u zvanje saradnika/ice u zvanje asistent/ica dostaviti Vijeću putem Protokola Fakulteta u skladu sa Zakonom o visokom obrazovanju i Statutom Univerziteta u Sarajevu, u roku od 30 dana od dana imenovanja Komisije.

(3) Komisija djeluje od donošenja Odluke o imenovanju do usvajanja Izvještaja na sjednici Senata Univerziteta u Sarajevu.

Član 7. (Mjesto zasjedanja Komisije)

Mjesto zasjedanja Komisije je u prostorijama Univerziteta u Sarajevu - Farmaceutskog fakulteta, na adresi Zmaja od Bosne 8, Sarajevo.

Član 8. (Način rada Komisije)

- (1) Na prvoj sjednici Komisija je obavezna usvojiti Poslovnik o radu koji će urediti način rada i odlučivanja u skladu sa obavezama iz člana 256. Statuta Univerziteta u Sarajevu.
- (2) Komisija je u svom radu nezavisna.
- (3) Komisija zasjeda u punom sastavu prilikom provođenja konkursne procedure.
- (4) Komisija donosi odluku većinom glasova.
- (5) Član Komisije koji se ne slaže sa većinski donesenom odlukom može napisati izdvojeno mišljenje, ali ono ne može uticati na donesenu odluku.



Član 9.
(Vođenje zapisnika)

- (1) O toku sjednice Komisije vodi se zapisnik.
- (2) Zapisnik sadrži datum, mjesto i vrijeme održavanja sjednice, osnovne podatke o toku sjednice, prijedloge i konstatacije, zaključke te prijedlog odluke Komisije.

III - PRIJELAZNE I ZAVRŠNE ODREDBE

Član 10.
(Izmjene i dopune Poslovnika)

Izmjene i dopune ovog poslovnika vrše se na način i u postupku propisanom za njegovo donošenje.

Član 11.
(Stupanje na snagu)

Ovaj Poslovnik stupa na snagu danom donošenja i objavit će se na web stranici Univerziteta u Sarajevu - Farmaceutskog fakulteta.

KOMISIJA

Prof. dr. Ervina Bečić, predsjednica

Prof. dr. Belma Imamović, članica

Prof.dr. Mirza Dedić, član

